

獻縣志

獻縣志卷十一上

文獻志三

人物篇三之四上

名宦

吾邑爲自古名區非名以其地名以其人也前之名也以獻王德後之名也以文達公昀一則於書亡之後廣搜博採使無不獲之書一則於書雜之後兼綜條貫使無不修之書金聲於前而玉振於後吾邑已足以名而況二千年間文人學士忠臣孝子義夫節婦間見迭出以彌縫此一王一公之闕者又不可以一二數此邑之所以愈名也雖然邑旣名矣生此地者引其名以自豪不如藉其名以自薦倘任此一王一公與夫諸先輩之專美於前不思憲章

而光大之吾烏知名區之不將變爲僻壤也繼往開來後
生之責爰述此邦人物足爲後生模範者如次

官無內外位無崇庠職無文武官於一國而能益一國官
於一縣而能益一縣是皆謂之名宦而文治武功循良忠
直諸稱俱渾焉述名宦列傳

劉輔河間宗室也舉孝廉爲襄賁令上書言得失召見上
美其材擢爲諫大夫會成帝欲立趙婕妤爲皇后先下詔
封婕妤父臨爲列侯輔上書言臣聞天之所與必先賜以
符瑞天之所違必先降以災變此神明之徵應自然之占
驗也昔武王周公承順天地以饗魚鳥之瑞然猶君臣祇

懼動色相戒況於季世不蒙繼嗣之福屢受威怒之異者
乎雖夙夜自責改過易行畏天命念祖業妙選有德之世
考卜窈窕之女以承宗廟順神祇心塞天下望子孫之祥
猶恐晚暮今迺觸情縱欲傾於卑賤之女欲以母天下不
畏於天不媿於人惑莫大焉里語曰腐木不可以爲柱卑
人不可以爲主天人之所不予必有旤而無福市道皆共
知之朝廷莫肯壹言臣竊傷心自念得以同姓拔擢尸祿
不忠汙辱諫爭之官不敢不盡死唯陛下深察書奏上使
侍御史收縛輔繫掖庭祕獄羣臣莫知其故於是左將軍
辛慶忌右將軍廉褒光祿勳師丹太中大夫谷永俱上書

訟之上乃徙繫輔共工獄減死罪一等論爲鬼薪終於家

漢書本傳
以上漢

王峻滄州景城人後徙洛陽父行果爲長安尉知名峻少
孤好學祖有方奇之曰是子當興吾宗長豪曠不樂爲衙
檢事擢明經第始調清苑尉歷除殿中侍御史會朔方元
帥魏元忠討賊不利劾奏副將韓思忠敗律當誅峻以思
忠偏裨權不已制且其人勇智可惜不宜獨誅固爭得釋
峻亦出爲渭南令景龍末授桂州都督州有兵舊常仰餉
衡來峻始築羅鄧罷戍卒埭江間屯田數千頃以息轉漕
百姓賴之後求歸上冢州人詣闕留有詔桂往羅寇暴戶

口彫瘠宜卽留以須政成在桂踰期年人丐刻石頌德初
劉幽求放封州廣州都督周利貞欲必殺之道出曖所曖
知其故留不遣利貞移書督趣幽求懼曰勢且難全正恐
累君奈何曖曰公之坐非朋友所絕曖在終不忍公無罪
就死俄崔湜等誅幽求復執政故詔幽求爲刻石辭遷鴻
臚少卿充朔方軍副大總管安北大都護豐安定遠等城
並受節度進太僕少卿隴右羣牧使開元二年吐蕃以精
甲十萬寇臨洮次大來谷其酋全達延以兵踵而前曖率
所部二千與臨洮軍合料奇兵七百易胡服夜襲去賊五
里令曰前遇寇士大呼鼓角應之賊驚疑伏在旁自相關

死者萬計俄而薛訥至武階距大來二十里賊陣兩軍間
亘一舍而近駿往迎訥夜使壯士銜枚鑿突虜駭引去追
至洮水敗之俘獲如積以功加銀青光祿大夫清源縣男
兼原州都督以子班爲朝散大夫又進并州都督長史明
年突厥默啜爲拔曳固所殺多降分置河曲旣而小殺繼
降降者稍稍叛去駿上言突厥向以國亂故欵塞與部落
無間也延係北風何嘗忘之今徙處河曲使內伺邊罅久
必爲患比者不受要約兵已屢動擅作烽區閉障行李虜
脫南牧降帳必與連衡以相應接表裏有敵雖韓彭孫吳
無所就功請至農隙令朔方軍大陳兵召酋豪告以禍福

啗以金繒且言南方麋鹿魚米之饒並遷置淮右河南寬
鄉給之程糧雖一時之勞然不二十年漸服諸華料以充
兵則皆勁卒議者若謂降狄不可以南處則高麗舊俘置
沙漠之西城傍編夷居青徐之右何獨降胡不可徙歟臣
復料議者必曰故事置于河曲前日已寧今無獨異且往
者頡利破亡邊鄙安定故降戶得以久安今虜未殄滅此
降人皆戚屬固不與往年同已臣請以三策料之悉其部
落置內地獲精兵之實閉黠虜之患此上策也亭障之下
蕃華參處廣屯戍爲備擬費甚人勞下策也置之朔塞滋
成禍萌此無策也不然前至河水且必有變書未報而虜

已叛乃敕暖將并州兵濟河以討暖聞行卷甲捨幕趨山谷夜遇雪恐失期誓於神曰暖事君不以忠不討有罪天所殛者當自蒙罰士眾無罪心誠忠而天監之則止雪反風以獎成功俄而和霽時叛胡分二道走暖自東道追及之獲級三千以功遷左散騎常侍朔方行軍大總管改御史大夫跌跌部及僕固都督勺磨等散保受降城之鄙潛引突厥內擾暖密言上盡誘而誅之拜兵部尙書復爲朔方軍大總管九年蘭池胡康待賓據長泉反陷六州詔郭知運與暖討平之封清源公官一子玄宗以宮人賜知運等暖獨不敢取曰臣之事君猶子事父詎有常近闡掖而

臣子敢當平書死以免見聽初峻奏朔方兵力有餘願罷知運獨當戍未報而知運至故不協峻所降附知運輒縱擊賊意峻責已乃復叛峻坐貶梓州刺史改太子詹事中
山郡公進吏部尙書太原尹代張說爲兵部尙書同中書門下三品充朔方軍節度大使河北河西隴右河東之軍盡屬是冬帝親郊追會大禮峻以冰壯請留將兵待邊手敢慰勉會有人告許州刺史王喬謀反辭逮峻詔源乾曜張說雜訊無狀以黨與貶蘄州刺史遷定州復以戶部尙書爲朔方軍節度使卒贈尙書左丞相諡曰忠烈峻氣貌偉特時謂爲熊虎相感慕節義有古人風其操下肅壹吏

人畏愛始二張之誣魏元忠駿獨上疏申治宋璟曰魏公全矣子再觸逆鱗其殆乎駿曰魏公以忠獲罪苟得辨雖死弗悔駿卒後信安王禕討奚於幽州告捷且言戰時士咸見駿與部將高昭麾兵赴敵天子嗟異戶部郎中陽伯成上疏請封駿墓表異之優其子孫帝乃遣使祭駿廟進諸子官

唐書本傳
崇祀鄉賢

張利貞河間人玄宗時試爲御史中丞舉彈無所避由是出爲陳留守領河南道採訪處置使子郇以儒學進官至侍御史

舊志云利貞署之祖
實獻人說見署傳後

邢君牙瀛州樂壽人少從幽薊平盧軍以戰功歷果毅折

衝郎將安祿山反從侯希逸涉海入青州田神功爲充郾
節度使使君牙將兵屯好時防盛秋吐蕃犯京師代宗出
陝以扈從功累封河間郡公建中初李晟從馬燧討田悅
以君牙爲都將在武安襄國間凡五戰斬馘功最德宗出
奉天晟率君牙倍道赴難徙屯渭橋軍中便宜唯君牙得
預晟在鳳翔數行邊常以君牙守晟入朝代爲鳳翔觀察
使俄領節度檢校尙書右僕射吐蕃歲犯邊君牙劭耕講
戰以爲備戎不能侵又城隴州平戎川號永信城卒官贈
司空初布衣張汾者無紹而干君牙軒然坐客上會吏掇
簿書以盜沒宴錢五萬君牙怒其欺汾不謝去曰吾在京

師聞邢君牙一時豪俊今乃與設吏論錢云何君牙慙遽
釋吏引爲上客留月餘以五百緡爲謝其屈已好士類此

唐書本傳崇祀
鄉賢以上唐

周景瀛州景城人家富於財好交結歷仕唐漢周習水利
嘗浚汴口導鄭州郭西水入中牟渠修滑州河堤累遷至
右領軍衛上將軍

宋史周瑩傳
以上五代

周瑩景之子太宗潛邸時瑩得給事左右卽位補殿直領
武騎卒巡警泉福州卒纔數百捕劇賊千餘遷供奉官天
雄軍節度孫永祐轉運使楊緘稱薦之又使綏銀州按邊
事還奏稱旨擢鞍轡庫副使雍熙二年爲杭睦五州都巡

檢使兼杭州都監會妖僧紹倫爲變瑩擒獲之逮捕就戮者三百餘人人以爲酷濫代還改崇儀使滄州都監召拜西上閣門使領鎮定高陽關都監加判四方館事與郝守濬護塞宋州決河俄改三路排陣鈐轄歷知天雄軍真定二府就遷引進使至道二年代還會李繼隆討西夏詔瑩詣軍前授以機事還拜客省使簽書樞密院諸房公事俄兼提點宣徽諸房鼓司登聞院咸平二年大閱命爲隨駕都部署從征河朔又爲駕前馬步都部署三年遷南院使知樞密院事會蜀平部送脅從者數十百人至闕下西川轉運使馬亮因入奏請赦其罪遣還瑩以爲當盡誅之令

瑩亮廷議上是亮議悉原其罪五年高陽關都部署闕藩
侯無足領之者宰相請輟宣徽使以居其任時王繼英任
北院上以瑩練達軍事乃拜永清軍節度兼領其任爲三
路排陣使契丹入寇詔步兵赴寧邊軍爲援瑩至則寇兵
已去卽日還屯所上聞曰瑩何不持重少留示以不測輕
於舉措非將帥體也景德初丁內艱起復代王顯爲天雄
軍都部署兼知軍府事嘗召池州騎士千五百人赴大名
道與寇值力戰有死傷者瑩猶謂其玩寇將悉誅之詔賜
金帛諭瑩勿治其罪車駕北巡爲駕前東西貝冀路都部
署明年改知陝州俄徙永興軍府又移邠州兼環慶路都

部署時夏州內屬詔省戍兵還營以減饋餉之費仍手詔諭瑩瑩遽奏乞留以張邊威上謂瑩庸懦不智以曹瑋代之徙知澶州大中祥符初改太平軍節度明年爲眞定都部署兼知定州轉運使奏其曠弛徙知澶州境內屢有寇盜宰相以瑩任居將帥不能以威望鎮靖請徙他郡上曰處之閑僻適使其自偷爾遂下詔督責令其擒捕時發卒修河防而軍中所給糗糧多腐敗不可食又役使不均瑩不加恤以故亡命者眾七年入朝復遣還鎮又以澶淵當契丹之衝藉其廩給之厚復命知澶州九年被疾求還京師卒年六十六贈侍中初諡忠穆後改元惠錄其二子供

奉官普顯爲內殿崇班二孫永昌永吉爲殿直

宋史本傳
崇祀鄉賢

張慤字誠伯河間樂壽人登元祐六年進士第累遷龍圖閣學士計度都轉運使高宗爲兵馬大元帥募諸道兵勤王慤飛輓踵道建議卽元帥府印給鹽鈔以便商旅不閱旬得緡錢五十萬以佐軍高宗器重之命以便宜權大名尹兼北京留守馬步軍都總管慤初聞二帝北行率副總管顏岐等三上牋勸進最後慤上書極論中原不可一日無君高宗爲之感悟建炎改元爲戶部尙書除同知樞密院事措置戶部財用兼御營副使建言三河之民怨敵深入骨髓恨不殲殄其類以報國家之仇請依唐人澤潞步